


 <p>O'ZBEKISTON MILLIY METROLOGIYA INSTITUTI UzNIM</p>	<p>“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари</p>	
	<p>“Ўз ММИ” ДМ коррупцияга қарши курашиш СИЁСАТИ</p>	<p>Сиёсат</p>
		<p>Таҳрир №: 01 варақ 1, жами 22</p>

“Ўзбекистон миллий метрология институти” давлат муассасасининг
“Коррупцияга қарши курашиш
СИЁСАТИ”

 O'ZBEKISTON MILLIY METROLOGIYA INSTITUTI UZNIM	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01 варақ 2, жами 22

1-боб. Умумий қоидалар


1. “Ўзбекистон миллий метрология институти” давлат муассасаси (кейинги матнларда “Ўз ММИ” ДМ деб юритилади) “Коррупцияга қарши курашиш сиёсати” (бундан буён матнда Сиёсат деб юритилади), юқори ташкилот “Ўзстандарт” агентлиги (бундан буён матнда агентлик деб юритилади) томонидан 2020 йил 30 октябрдаги 103-сонли буйруқ билан тасдиқланган коррупцияга қарши курашиш сиёсатини амалга ошириш мақсадида ишлаб чиқилди ва ходимлар орасида ҳамда жамиятда коррупцияга қарши курашиш маданияти даражасини ошириш, “Ўз ММИ” ДМ марказий аппарати ва унинг тизимидаги ҳудудий филиалларнинг юқори ахлоқий меъёрларга содиқлигини, шунингдек, ходимлар фаолиятида коррупциявий ҳуқуқбузарликларга муросасизлик ва уларни содир этишга йўл қўймасликни акс эттиради.

2. Сиёсат O’z DSt ISO 37001:2019 (ISO 37001:2016,IDT) “Пора олиш-бериш билан курашиш менежменти тизимлари. Фойдаланиш бўйича талаблар ва қўлланма” давлат стандарти талабларини инобатга олган ҳолда коррупцияга қарши курашиш бўйича халқаро ташкилотлар тавсиялари ва етакчи халқаро амалиёт асосида Ўзбекистон Республикасининг қонун ҳужжатлари талабларига мувофиқ ишлаб чиқилган.

4. “Ўз ММИ” ДМ ва унинг тизимидаги ҳудудий филиаллари коррупцияга қарши курашишнинг асосий мақсадлари қуйидагилар ҳисобланади:

- “Ўз ММИ” ДМ марказий аппарати ва унинг тизимидаги ҳудудий филиалларда коррупцияни тубдан йўқотишга эришиш;
- ходимларнинг ва аҳолининг ҳуқуқий онги ва ҳуқуқий маданиятини ошириш, жамиятда коррупцияга нисбатан тоқатсиз муносабатни шакллантириш;
- “Ўз ММИ” ДМ ва унинг тизимидаги ҳудудий филиаллар фаолиятининг барча соҳаларида коррупциянинг олдини олиш бўйича чора-тадбирларни амалга ошириш;
- коррупциявий ҳуқуқбузарликларни ўз вақтида аниқлаш, уларга барҳам бериш, уларнинг оқибатлари, уларга олиб келувчи сабаблар ва шарт-шароитларни бартараф этиш, коррупциявий ҳуқуқбузарликларни содир этганлик учун жавобгарликнинг муқаррарлиги тамойилини таъминлаш.

5. Сиёсат “Ўз ММИ” ДМ нинг ички ҳужжати сифатида юқорида кўрсатилган асосий мақсадларга эришиш учун “Ўз ММИ” ДМ ва унинг

	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01
		варақ 3, жами 22

тизимдаги ҳудудий филиаллар фаолиятида коррупция билан боғлиқ ҳуқуқбузарликларни профилактика қилиш ва уларга барҳам беришга қаратилган асосий талаблар ва тамойилларни белгилаб берувчи асос ҳисобланади.

6. Мазкур Сиёсатнинг талаблари эгаллаб турган лавозими ва бажарадиган вазифа ва функцияларидан қатъий назар “Ўз ММИ” ДМ билан меҳнат муносабатларида бўлган барча ходимларга тадбиқ этилади.

7. “Ўз ММИ” ДМ ва унинг ҳудудий филиалларига ишга қабул қилинаётган ҳар қандай шахс ушбу Сиёсат билан имзо қўйган ҳолда танишиши ва унинг қоидаларига риоя қилиши шарт ҳисобланади.

8. Ушбу ҳужжатда қуйидаги асосий тушунчалар ва атамалар қўлланилади:


алоқадор шахслар – ходим билан тижорат ташкилотларининг устав капиталида иштирок этадиган шахслар, акциялари Республика фонд биржасида оммавий муомалада бўлган акциядорлик жамиятларининг беш фоизидан кам бўлган миқдордаги акцияга эга эканлиги ҳолатлари бундан мустасно;

иш жараёнидаги меҳмондўстлик белгилари – Ўз ММИ ДМ ва унинг ҳудудий филиалларидаги ходимлари манфаатларида фаолият давомида ҳамкорлик ўрнатиш ва (ёки) қўллаб-қувватлашга алоқадор харажатлар, шу жумладан, ишбилармонлик билан боғлиқ кечки овқат, транспорт ва яшаш харажатларини қоплаш билан боғлиқ харажатлар ва ҳ.к.;

коррупцияга қарши курашиш талаблари бузилганлиги тўғрисида виждонан хабар бериш – Ўз ММИ ДМ ва унинг ҳудудий филиали ходими томонидан коррупциявий ҳуқуқбузарлик содир этилганлиги (содир этиш мақсад қилинганлиги) тўғрисида рухсат этилган алоқа каналлари орқали асослилигига ишонч ҳосил қилган ҳолда йўллаган муурожаат;

контрагент (шартномавий шерик) – Ўз ММИ ДМ ва унинг ҳудудий филиаллари билан шартномавий муносабатларга (меҳнат муносабатлари бундан мустасно) киришган ҳар қандай юридик ёки жисмоний шахс;

коррупция – шахсининг ўз мансаб ёки хизмат мавқеидан шахсий манфаатларини ёхуд ўзга шахсларнинг манфаатларини кўзлаб моддий ёки номоддий наф олиш мақсадида қонунга хилоф равишда фойдаланиши, худди шунингдек бундай нафни қонунга хилоф равишда тақдим этиш;

 O'ZBEKISTON MILLIY METROLOGIYA UZNIM INSTITUTI	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	
	Сиёсат Таҳрир №: 01 варақ 4, жами 22	

коррупциявий ҳаракатлар – ходим томонидан пора берувчининг манфаатларини кўзлаб ҳаракат ёки ҳаракатсизлиги учун бевосита ёки билвосита, шахсан ёки учинчи шахслар орқали порани яъни пул, қимматбаҳо қоғозлар, бошқа мол-мулкни, мулкый тусдаги хизматларни, бошқа мулкый ҳуқуқларни олиш, талаб қилиш, таклиф қилиш, ваъда қилиш ва бериш, шунингдек, пора бериш ва (ёки) олишда воситачилик қилиш, расмиятчиликларни соддалаштириш учун тўловларни олиш, ходим томонидан пора олиш ёки ҳуқуққа хилоф бошқа мақсадларда ўз хизмат мавқеидан ноқонуний фойдаланиш;

коррупцияга оид ҳуқуқбузарлик – коррупция белгиларига эга бўлган, содир этилганлиги учун қонун ҳужжатларида жавобгарлик назарда тутилган қилмиш;


коррупцияга қарши курашиш тизими – қўлланиладиган амалдаги қонунчилик ва ички ҳужжатларни коррупциявий жиҳатдан бузилишини бартараф этиш, Ўз ММИ ДМ ва унинг ҳудудий филиаллари ходимлари томонидан юқори даражада касбий ва ахлоқий фаолият олиб боришларини таъминлаш бўйича чора-тадбирлар мажмуи;

коррупциявий хавф-хатар – Ўз ММИ ДМ ва унинг ҳудудий филиаллари ходимлари ёки учинчи шахслар томонидан Ўз ММИ ДМ ва унинг ҳудудий филиаллари номидан ва (ёки) уларнинг манфаатларини кўзлаб коррупциявий хатти-ҳаракатларни содир этиш эҳтимоли ва хавфи;

манфаатлар тўқнашуви – Ўз ММИ ДМ ва унинг ҳудудий филиаллари ходимининг шахсий (бевосита ёки билвосита) манфаатдорлиги унинг хизмат мажбуриятларини лозим даражада бажаришига таъсир кўрсатаётган ёхуд таъсир кўрсатиши мумкин бўлган ҳамда ходимнинг шахсий манфаатдорлиги билан Ўз ММИ ДМ ва унинг ҳудудий филиаллари манфаатлари ўртасида қарама-қаршилик юзага келаётган ёки юзага келиши мумкин бўлган вазият;

расмиятчиликни соддалаштириш учун тўловлар – белгиланган тартиб-таомиллар бажарилишини таъминлаш ёки тезлаштириш, тегишли қонунчилик, нормалар ва қоидаларда назарда тутилмаган ҳаракатлар содир этиш учун ғайриқонуний равишда бериладиган пул маблағлари, мол-мулк, мулкый ҳуқуқлар, хизматлар ва бошқа моддий ёки номоддий наф;

ходимнинг шахсий манфаатдорлиги – Ўз ММИ ДМ ва унинг ҳудудий филиаллари ходими томонидан ўз хизмат вазифаларини бажариш чоғида

 O'ZBEKISTON MILLIY METROLOGIYA INSTITUTI UzNIM	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	
	Сиёсат	Таҳрир №: 01
	варақ 5, жами 22	

унинг яқин қариндоши ёки ходимга алоқадор бўлган шахслар томонидан ходимнинг мансаб ёки хизмат мажбуриятларини лозим даражада бажаришига таъсир қилиши мумкин бўлган пул маблағлари, моддий ёки номоддий қимматликлар, бошқа мол-мулк, бойлик ва имтиёзлар кўринишида шахсий наф олиш имконияти (шахсий, ижтимоий, молиявий, сиёсий ва бошқа тижорат ёки нотижорат манфаатлари);

ходим – Ўз ММИ ДМ ва унинг худудий филиаллари билан меҳнат муносабатларига киришган шахс;

яқин қариндошлар – ота-она, туғишган ва ўғай ака-укалар ва опа-сингиллар, эр (хотин), фарзандлар, шу жумладан фарзандликка олинганлар, боболар, бувилар, неваралар, шунингдек эрнинг (хотиннинг) ота-онаси;

2-боб. Коррупцияга қарши курашишнинг асосий тамойиллари


9. Ўз ММИ ДМ коррупцияга қарши курашиш тизимини қуйидаги тамойилларга асосланиб амалга оширади:

қонунийлик – Ўз ММИ ДМ коррупцияга қарши курашиш бўйича чора-тадбирлар Ўзбекистон Республикаси қонунчилиги талаблари, давлат органларида коррупцияга қарши курашиш бўйича жаҳонда тан олинган амалиётни ҳисобга олган ҳолда ҳамда Ўз ММИ ДМ тизимининг белгиланган ички хужжатларига мувофиқ амалга оширилади;

коррупцияга тоқатсизлик – Ўз ММИ ДМ ва унинг худудий филиаллари ўз фаолиятининг барча соҳаларида коррупциянинг ҳар қандай шакллари ва кўринишларига мурасасиз муносабатда бўлади. Ўз ММИ ДМ ва унинг худудий филиаллари ходимларига коррупциявий хавф-хатар келиб чиқиши мумкин бўлган фаолиятда бевосита ёки билвосита иштирок этиш тақиқланади;

очиқлик ва шаффофлик – Ўз ММИ ДМ тизимида коррупцияга қарши курашиш соҳасида қабул қилинган ва амалга оширилаётган чора-тадбирлар ҳақида Ўз ММИ ДМ ва унинг худудий филиаллари ходимлари ва контрагентларини, кенг жамоатчиликни хабардор қилиш;

коррупцияга қарши курашиш бўйича амалга оширилаётган чора-тадбирларнинг превентивлиги, тизимлилиги ва ўзаро боғлиқлиги – Ўз ММИ ДМ коррупциявий хатти-ҳаракатлар содир этилишига ва коррупциявий хавф-хатарларга кўмаклашувчи сабаб ва шарт-шароитларни бартараф этишга

	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01
		варақ 6, жами 22

қаратилган превентив чора-тадбирларни амалга оширишга устувор аҳамият беради. Коррупцияга қарши курашиш бўйича амалга оширилаётган чора-тадбирлар ва тартиб-таомиллар аниқланган хавф-хатарлар даражасига мувофиқ келади ҳамда Ўз ММИ ДМ ва унинг худудий филиалларининг барча функциялари ва йўналишларига интеграция қилинган коррупцияга қарши курашиш тизимига бирлаштирилган;

коррупция билан боғлиқ ҳуқуқбузарликлар учун жавобгарликнинг муқаррарлиги – коррупция билан боғлиқ ҳуқуқбузарликларни содир этган Ўз ММИ ДМ тизими ходимлари ўзининг мақоми ва эгаллаб турган лавозимидан катъий назар Ўз ММИ ДМ нинг ички ҳужжатлари ва амалдаги қонунчиликка мувофиқ жавобгарликка тортиладилар;


техника тараққиётининг ютуқларидан фойдаланиш – Ўз ММИ ДМ да коррупцияга қарши курашиш тизимини яратишда илм-фан тараққиётининг сўнгги ютуқларидан, шу жумладан, интеграциялаштирилган ахборот тизимларидан фойдаланишга интилади;

тўғридан-тўғри раҳбариятга мурожаат қилиш – Ўз ММИ ДМ тизимининг ҳар бир ходими коррупциявий ҳуқуқбузарликлар содир этилганлигини тўғрисида ишончли ва асосли маълумотлар мавжуд бўлганда белгиланган чораларни кўриш учун тўсқинликсиз Ўз ММИ ДМ раҳбариятига мурожаат қилиши мумкин;

фуқаролик жамияти вакиллари билан ўзаро ҳамкорлик – Ўз ММИ ДМ ва унинг худудий филиаллари ўзларига юклатилган функцияларни бажаришда Ўз ММИ ДМ фаолиятини ҳалоллик, холислик ва мустақиллик асосида мустақил назорат қилиш мақсадида фуқаролик жамияти вакилларини жалб этадилар;

коррупцияга қарши курашиш тизимини доимий равишда такомиллаштириш – коррупцияга қарши курашиш тизимини мониторинг ва назорат қилиш ҳамда коррупциявий хавф-хатарларни амалга ошириш натижаларига кўра Ўз ММИ ДМ тизимида коррупцияга қарши курашиш тизимининг самарадорлигини тўхтовсиз равишда ошириш чораларини кўрадилар.

3-боб. Коррупцияга қарши курашиш тизимнинг элементлари

	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01 варақ 7, жами 22

10. Коррупцияга “мутлақо тоқатсизлик” тамойилига таянган ҳолда Ўз ММИ ДМ ва унинг худудий филиалларидаги барча ходимларига коррупция билан боғлиқ ҳар қандай хатти-ҳаракатларда иштирок этиши, яъни пора берувчининг манфаатларини кўзлаб ҳаракат қилиши ёки ҳаракатсизлиги учун бевосита ёки билвосита, шахсан ёки учинчи шахслар орқали пора, яъни пуллар, қимматбаҳо қоғозлар, бошқа мол-мулк, мулкый тусдаги хизматларни беришни талаб қилиш, товламачилик қилиш, ваъда бериш ва пора бериш, пора бериш ва (ёки) олишда воситачилик қилиш, расмиятчиликларни соддалаштириш учун тўловларни олиш, шахс томонидан пора олиш ёки ғайриқонуний бошқа мақсадларда ўз хизмат мавқеидан ноқонуний фойдаланиши қатъиян тақиқланади.


11. Қуйидагилар Ўз ММИ ДМ коррупцияга қарши курашиш тизимининг асосий элементлари ҳисобланади:

а) коррупцияга қарши курашиш бўйича асосий ички хужжатлар мавжудлиги, яъни Ўз ММИ ДМ да коррупцияга қарши курашиш тизимининг асосини:

- мазкур Сиёсат;
- Ўз ММИ ДМ ходимларининг одоб-ахлоқ қоидалари;
- Ўз ММИ ДМ тизимида манфаатлар тўқнашувини бошқариш тўғрисидаги низомда акс эттирилган тамойиллар ва талабларни ташкил этади.

б) “Юқоридан куйига муносабат” – Юқори даражада раҳбарлик намунаси:

- Ўз ММИ ДМ марказий аппарати ва худудий филиаллар раҳбарлари, ҳамда тизимдаги барча бўлимлар бошлиқлари ўзига бўйсунувчилар, фуқаролар ва юридик шахслар билан муносабатларда ҳалол, адолатли ва мустақил хулқ-атвор намунаси бўлишлари керак;
- Ўз ММИ ДМ марказий аппарати ва худудий филиаллар раҳбарлари коррупцияга қарши курашиш самарали тизимни яратиш ва амалга оширишда қуйидагилар орқали етакчиликни намойиш этадилар:
- Ўз ММИ ДМ фаолиятининг хавф-хатарга эга функциялари (йўналишлари)га коррупцияга қарши курашиш самарали чора-тадбирлар ва тартибларни жорий этиш, шу жумладан, коррупцияга қарши курашиш дастури/йўл харитасини ишлаб чиқиш ва унинг ижросини назорат қилиш орқали кўмаклашиш;
- ўз мансаб мажбуриятларини бажариш доирасида, Ўз ММИ ДМ тизими ходимларида коррупциянинг барча шакллари ва кўринишларига

 O'ZBEKISTON MILLIY METROLOGIYA INSTITUTI UzNIM	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	
	Сиёсат	Таҳрир №: 01
	варақ 8, жами 22	


муросасиз муносабатни шакллантирган ҳолда коррупцияга қарши курашиш бўйича қонунчилик нормалари ва қабул қилинган ички хужжатларга риоя қилиш ва ахлоқий хулқ-атвор юзасидан шахсан намуна сифатида намоён бўлиш.

в) коррупциявий хавф-хатарни аниқлаш ва баҳолаш:

- Ўз ММИ ДМ функцияларининг хусусияти, ташкилий тузилмаси, жамият ва бошқа шахслар билан ўзаро фаолият олиб боришига ҳамда бошқа ички ва ташқи омилларга боғлиқ ҳолда ўз фаолиятига хос бўлган коррупциявий хавф-хатарларни аниқлайди ва баҳолайди;
- коррупциявий хавф-хатарни аниқлаш ва баҳолаш доирасида Ўз ММИ ДМ фаолиятининг барча соҳалари коррупциявий хавф-хатарига кўпроқ учрайдиган функцияларни аниқлаш мақсадида таҳлил қилинади, уларда мавжуд бўлган коррупцияга қарши курашишни назорат қилишнинг барча шакллари ва тартиб-таомиллари аниқланган хавф-хатарларни камайтириш учун етарлилиги жиҳатидан таҳлил қилинади. Хавф-хатарларни аниқлаш ва баҳолаш жараёнида Ўз ММИ ДМ тизимида коррупцияга қарши курашишнинг фаол қўллаб-қувватлаши ва назорати остида Ўз ММИ ДМ марказий аппарати ҳамда худудий филиаллар тегишли раҳбарлари ва коррупцияга қарши курашишни мувофиқлаштириш бўйича тайинланган шахслар иштирок этади;
- Ўз ММИ ДМ нинг коррупциявий ҳаракатларга “мутлақо тоқатсизлик”ни ҳисобга олган ҳолда Ўз ММИ ДМ тизими коррупциявий хавф-хатарларнинг юзага келиш эҳтимоли ва таъсир қилиш даражасидан қатъи назар уларни бошқариш заруратини тан олади;
- Коррупциявий хавф-хатарларни баҳолаш йилига камида бир марта амалга оширилади. Коррупциявий хавф-хатарларни баҳолаш натижалари Ўз ММИ ДМ раҳбарлари томонидан кўриб чиқилади шунингдек, аниқланган хавф-хатарларни камайтирувчи коррупцияга қарши курашиш чора-тадбирлар ва тартиб-таомиллар Ўз ММИ ДМ нинг коррупцияга қарши курашиш дастурларида акс эттирилади.


г) коррупцияга қарши курашиш учун масъул шахслар ва бўлинмалар:

- Ўз ММИ ДМ тизимида коррупцияга қарши курашиш бўйича самарали тизимни йўлга қўйиш мақсадида Ўз ММИ ДМ марказий аппаратида коррупцияга қарши курашишни шакллантириш ва назорат қилиш

	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01 варақ 9, жами 22

жараёни учун масъул комплаенс назорат бўлими ташкил этилди ва жавобгар шахс тайинланган;

- Комплаенс назорати бўйича тайинланган маъсул ходим Ўз ММИ ДМ да коррупцияга қарши курашиш бўйича вазифаларни амалга оширишда етарли даражада мустақилликка ва муҳим ресурсларга эга бўлиб, бевосита юридик жиҳатдан Ўз ММИ ДМ директорига ҳамда, функционал вазифалари жиҳатидан “Ўзстандарт” агентлиги тизимидаги коррупцияга қарши курашиш ва комплаенс назорати бўлимига бўйсунди. Ўз фаолиятини агентлик Бош директори томонидан тасдиқланган агентлик тизимида коррупцияга қарши курашиш тўғрисидаги низомга мувофиқ амалга оширади;
- Коррупцияга қарши курашиш бўйича чора-тадбирларни самарали ва ўз вақтида амалга оширилишини мувофиқлаштириш ва назорат қилиш учун Ўз ММИ ДМ худудий филиалларида тегишли лавозимларга коррупцияга қарши курашишни мувофиқлаштириш функцияси юклатилиши мумкин. Коррупцияга қарши курашишни мувофиқлаштириш функциялари Ўз ММИ ДМ да юқори даражада коррупциявий хавф-хатарга эга бўлмаган, шунингдек, етарли даражада мустақил бўлган ходимига юклатилади;
- Тайинланган коррупцияга қарши курашишни мувофиқлаштирувчилари, коррупцияни бартараф этиш чораларини кўради, шу билан бирга ўзига юклатилган вазифалар доирасида Ўз ММИ ДМ тизимидаги коррупцияга қарши курашиш ва комплаенс назорат бўлими билан ҳамкорлик қилади.
- Коррупцияга қарши курашиш бўйича фаолиятни амалга оширишда Ўз ММИ ДМ марказий аппарати ва худудий филиаллар Кадрлар бўлимлари Ўз ММИ ДМ тизимида манфаатлар тўқнашувини бошқариш қоидалари ва Ўзбекистон Республикаси қонун ҳужжатлари нормаларига мувофиқ белгиланган тартибда ва ҳажмда ходимлар ва алоқадор шахсларнинг яқин қариндошлари тўғрисидаги маълумотларни ўз вақтида ва тизимли йиғиш, таҳлил қилиш ва янгилаб бориш учун жавобгар бўлади;
- Бундан ташқари, Ўз ММИ ДМ ва худудий филиалларининг одоб-ахлоқ комиссияси ходимлар ўртасида манфаатлар тўқнашуви тўғрисидаги Кадрлар бўлимига келиб тушган маълумотларни кўриб чиқади ва (манфаатлар тўқнашуви тартибга солинмаган тақдирда) уни ҳал қилиш бўйича қарор қабул қилади ёки аниқланган манфаатлар тўқнашувини

 O'ZBEKISTON MILLIY METROLOGIYA INSTITUTI UzNIM	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01 варақ 10, жами 22


тартибга солиш бўйича кўрилган чораларнинг етарлилиги ёхуд етарли эмаслиги тўғрисида қарор қабул қилади, шунингдек, Ўз ММИ ДМ томонидан белгиланган одоб-ахлоқ қоидаларига риоя қилиниши масалаларини кўриб чиқади. Манфаатлар тўқнашувини бошқариш доирасида Кадрлар бўлими ва Одоб-ахлоқ комиссияси Ўз ММИ ДМ тизимида манфаатлар тўқнашувини бошқариш тўғрисидаги низом асосида иш юритади;

д) аниқланган коррупциявий хавф-хатарни минималлаштирувчи коррупцияга қарши курашиш чоралар:

- Ўз ММИ ДМ ва ҳудудий филиаллар фаолияти ва функцияларидаги коррупциявий хавф-хатарли йўналишларда умумий назорат муҳитини ва коррупцияга қарши курашиш назорат ҳамда тартиб-таомилларни ўз ичига олувчи коррупцияга қарши курашишнинг комплекс тизимини жорий этадилар;
- Ўз ММИ ДМ коррупцияга қарши курашишни назорат қилиш ва тартиб-таомилларнинг самарадорлиги, жумладан, уларнинг аниқланган хавф-хатар даражасига мутаносиблиги, Ўз ММИ ДМ ва ҳудудий филиаллар ходимлари учун қатъийлиги ва аниқлиги, фуқаролик жамияти учун шаффофлигини таъминлашга интиладилар;
- Амалга ошириладиган тадбирлар, шунингдек, коррупцияга қарши курашиш бўйича назорат чоралари ва тартиб-таомиллар Ўз ММИ ДМ нинг коррупцияга қарши курашиш бўйича дастури/режаси/йўл харитасида акс эттирилади ҳамда тегишли ички идоравий хужжатларида белгиланади;


е) ахборотлаштириш, коммуникация ва маслаҳат бериш:

- Коррупциявий хавф-хатарларни камайтириш ва Ўз ММИ ДМ нинг коррупцияга қарши курашиш тамойиллари ва талаблари ҳақида жамиятнинг хабардорлигини ошириш мақсадида, мазкур Сиёсат ва Ўз ММИ ДМ нинг коррупцияга қарши курашиш бўйича амалга оширилаётган чора-тадбирлари тўғрисидаги асосий маълумотлар уларнинг Интернет тармоғидаги расмий веб сайтларига жойлаштирилади.

 O'ZBEKISTON MILLIY METROLOGIYA UZNIM INSTITUTI	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01 варақ 11, жами 22

Бундан ташқари, Ўз ММИ ДМ коррупцияга қарши курашиш амалдаги қонун ҳужжатлари нормалари ва коррупцияга қарши курашиш жорий этилган тамойиллар ва талаблар ҳақида Ўз ММИ ДМ ходимлари ва бошқа манфаатдор шахсларни хабардор қилиш ва тушунтириш бўйича қуйидагилар орқали барча оқилона хатти-ҳаракатларни амалга оширади:


- Ўз ММИ ДМ ходимларини йилига камида бир марта коррупцияга қарши курашиш асослари бўйича доимий ва тизимли ўқитиш, шу жумладан, ишга янги қабул қилинаётган ходимларни ушбу Сиёсат ва коррупцияга қарши курашиш бўйича бошқа ички ҳужжатлар билан мажбурий тартибда таништириш билан биргаликда уларни коррупцияга қарши курашиш бўйича мажбурий курсларда ўқитиш. Коррупциявий хавф-хатари юқори бўлган лавозимлар учун Ўз ММИ ДМ тизимида коррупцияга қарши курашиш бўйича қўшимча таълим дастурлари белгиланади. Ўтказилган ўқиш/тренинглар ҳақидаги маълумотлар Кадрлар бўлимларида қонунчиликда белгиланган тартибда сақланади;
- Ўз ММИ ДМ ходимлари ва фуқароларнинг коррупцияга муросасиз муносабатини шакллантириш бўйича ва коррупцияга қарши курашиш амалга оширилган чора-тадбирлар тўғрисида хабардорлигини оширишга қаратилган тематик аудио ва видеороликлар ҳамда бошқа ахборот маълумотларидан фойдаланган ҳолда коррупцияга қарши курашиш тадбирлар ўтказиш;
- Ўз ММИ ДМ ходимлари томонидан коррупцияга оид ҳуқуқбузарликлар содир этилганлиги гумонлар ёки фактлар, коррупциявий хавф-хатарлар ва бошқалар (коррупция фактлари ҳақида хабар берилиши мумкин бўлган усуллари тўғрисидаги батафсил маълумот мазкур Сиёсатнинг 4-бобида назарда тутилган) ҳақида хабар берилиши мумкин бўлган алоқа каналлари билан таъминлаш;
- мазкур Сиёсат қоидаларини қўллаш ёки коррупцияга қарши курашиш чора-тадбирлар ва тартиб-таомилларни амалга ошириш билан боғлиқ саволлар келиб чиққанда, Ўз ММИ ДМ тизими коррупцияга қарши курашишни шакллантириш ва назорат қилиш жараёни бўйича масъул комплаенс назорат бўлими томонидан Ўз ММИ ДМ ходимларига маслаҳатлар бериш;

 <p>O'ZBEKISTON MILLIY METROLOGIYA UZNIM INSTITUTI</p>	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01 варақ 12, жами 22

- Ўз ММИ ДМ ходимларининг меҳнат шартномаларига коррупцияга қарши курашиш қоидаларни киритиш;
- тасдиқланган режага мувофиқ коррупцияга қарши курашиш бўйича тизимда тайинланган масъул шахслар томонидан коррупцияга қарши курашиш хулқ-атвор юзасидан ташвиқотлар ўтказиш;
- контрагентларни коррупцияга қарши курашиш қабул қилинган талаблар ва тамойиллар ҳақида, шу жумладан, улар билан тузиладиган шартномаларга коррупцияга қарши курашиш бўйича махсус шартларни киритиш тўғрисида хабардор қилиш ва ҳ.к..

ф) мониторинг, назорат ва ҳисобот:


- Ўз ММИ ДМ тизимидаги коррупцияга қарши курашиш ва комплаенс назорати бўлими, коррупцияга қарши курашиш бўйича амалга оширилган чора-тадбирларнинг етарлилиги, мутаносиблиги ва самарадорлигини баҳолайди ҳамда доимий мониторингини олиб боради. Ўтказилган мониторинг натижалари бўйича Ўз ММИ ДМ да коррупцияга қарши курашиш тизимини такомиллаштириш юзасидан тегишли чоралар кўрилади.
- Ўз ММИ ДМ мониторинг ва назорат қилишнинг қуйидаги тартиб-таомиллари амалга оширилади:
- Ўз ММИ ДМ марказий аппарати ва таркибидаги ҳудудий филиаллари фаолияти ва функцияларидаги ўзгаришлар, уларнинг ташкилий-функционал тузилмасидаги ўзгаришлар ҳамда бошқа ички ва ташқи омилларнинг Ўз ММИ ДМ да коррупцияга қарши курашиш тизимига таъсирини, мазкур тизимга ўзгартириш киритиш заруриятини таҳлил қилиш, шу жумладан, уни амалдаги қонунчилик талабларига мувофиқлигини таъминлаш;
 - тасдиқланган режага мувофиқ самарасиз назорат ва тартиб-таомилларни аниқлаш учун уларни тўғрилаш ва коррупцияга қарши курашиш тизимининг ишончилиги ва самарадорлигини таъминлаш мақсадида танлов асосида Ўз ММИ ДМ тизимидаги функциялар ва ички жараёнларни мониторинг қилиш;

 <p>O'ZBEKISTON MILLIY METROLOGIYA UZMIM INSTITUTI</p>	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01 варақ 13, жами 22

- ички ва (ёки) ташқи текширувларни ўтказиш жараёнида Ўз ММИ ДМ ходимлари томонидан коррупцияга қарши курашиш бўйича талабларга риоя қилинишини назорат қилиш;
- Ўз ММИ ДМ тизимида коррупцияга қарши курашиш жамоатчилик назорати Ўз ММИ ДМ тизими тузилмаларга юклатилган коррупцияга қарши чора-тадбирларнинг ўз вақтида ва тегишли тартибда амалга оширилиши устидан назорат олиб бориш ва ҳ.к.
- Коррупцияга қарши курашиш тизимини назорат қилиш ва мониторинги бўйича чора-тадбирлар натижалари Ўз ММИ ДМ директори, Ўз ММИ ДМ Ўз ММИ ДМ тизимидаги коррупцияга қарши курашиш ва комплаенс назорат бўлими, худудий филиаллар раҳбарларининг чорақлик ҳисоботларида ўз аксини топади.

з) *ҳуқуқбузарликларга нисбатан муносабат билдириш ва айбдор шахсларни жавобгарликка тортиш:*

- мазкур Сиёсатга амал қилиш ва Ўз ММИ ДМ тизимида коррупцияга қарши курашиш чора-тадбирларга риоя қилиш ҳар бир ходим учун ўз хизмат мажбуриятларини бажарилиши доирасида мажбурийдир. Ходимлар белгиланган талаб ва тартиб-таомилларнинг бузганлиги учун шахсан жавобгар ҳисобланадилар. Бундан ташқари, бевосита раҳбарлар ўз бўйсунувидаги ходимлар томонидан коррупцияга оид ҳуқуқбузарликларни содир этилганлиги учун шахсан жавобгар ҳисобланадилар;
- коррупцияга қарши курашишга оид белгиланган талаблар ва тамойилларни бузган Ўз ММИ ДМ ходимлари Ўзбекистон Республикаси қонунчилигида белгиланган тартибда ва асосларда интизомий, маъмурий ёки жиноий жавобгарликка тортиладилар;
- ходимлар уларни коррупция билан боғлиқ ҳуқуқбузарликни содир этишга ундовчи шахсларнинг ҳар қандай мурожаатлари тўғрисида, шунингдек, бошқа ходимлар томонидан содир этилган коррупцияга оид ҳуқуқбузарликлар ҳақида ўзига маълум бўлган ҳар қандай фактлар ҳақида ўз раҳбарларига ва Ўз ММИ ДМ тизимидаги коррупцияга қарши курашиш комплаенс назорати бўлимига хабар беришлари шарт;

 O'ZBEKISTON MILLIY METROLOGIYA UZNIM INSTITUTI	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01 варақ 14, жами 22


- коррупцияга мутлақо тоқатсизлик тамойилини ҳисобга олган ҳолда, Ўз ММИ ДМ тизимида ходимларнинг коррупцияга оид ҳуқуқбузарлик содир этишлари билан боғлиқ ҳар қандай асосли шубҳа бўйича хизмат текширувлари Ўзбекистон Республикаси қонунчилиги талабларига мувофиқ ва ички ҳужжатларда белгиланган тартибда ўтказилади. Коррупцияга қарши курашиш тўғрисидаги қонун ҳужжатлари нормаларини ва (ёки) мазкур сиёсат ва Ўз ММИ ДМ нинг бошқа ички ҳужжатларида белгиланган коррупцияга қарши талаб ва тартиб-таомилларни бузган ходимлари, уларнинг лавозими, хизмат муддати ва бошқа омиллардан қатъи назар Ўзбекистон Республикаси қонунчилигида ҳамда Корхонанинг ички ҳужжатларида назарда тутилган доирада ва асосларда жавобгарликка тортиладилар;
- коррупцияга оид ҳуқуқбузарлик аниқланган тақдирда Ўз ММИ ДМ уларнинг содир этилиш сабаблари ва шарт-шароитларини таҳлил қиладилар ва доимий асосда коррупцияга қарши курашиш тизимини такомиллаштирадилар;
- Ўз ММИ ДМ коррупцияга оид ҳуқуқбузарликларни аниқлаш ва текшириш учун бошқа ҳуқуқни муҳофаза қилувчи органлар ва давлат органлари билан ҳамкорлик қиладилар.

4-боб. Коррупцияга қарши курашишнинг асосий йўналишлари

§ 1. Манфаатлар тўқнашувини бошқариш

12. Ўз ММИ ДМ ходимлари ўз хизмат мажбуриятларини бажариш ва (ёки) корхона манфаатларини ифодалаш доирасида виждонлилик ва ҳалоллик тамойилларига амал қилиши, шахсий манфаатларини ҳисобга олган ҳолда ўзларининг хизмат мавқеидан ва (ёки) корхонанинг мол-мулкидан фойдаланмаслик ва манфаатлар тўқнашувига олиб келадиган вазиятлардан сақланишлари лозим.

Ўз ММИ ДМ ходимлари ўзларининг хизмат мажбуриятларини лозим даражада ва холис бажаришларига, жумладан, холис қарор қабул қилишга ҳамда корхонанинг ҳуқуқлари, қонуний манфаатлари, мол-мулки ва (ёки) нуфузига таъсир қиладиган ёки таъсир қилиши мумкин бўлган вазиятда манфаатлар тўқнашуви юзага келади.

 O'ZBEKISTON MILLIY METROLOGIYA INSTITUTI	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01 варақ 15, жами 22

13. Ўз ММИ ДМ тизимининг ходимлари ишга қабул қилинишида, бошқа лавозимга ўтказилишида манфаатлар тўқнашувига олиб келадиган ёки олиб келиши мумкин бўлган шахсий манфаатдорлиги ҳақидаги маълумотларни ҳар йили ва тегишли вазиятлар/ҳолатлар юзага келишига қараб ошкор қилишга мажбурдирлар. Корхона ходимлари томонидан манфаатлар тўқнашуви тўғрисидаги маълумотларни ошкор қилиш ва уни ҳал қилиш жараёни Ўз ММИ ДМ тизимида манфаатлар тўқнашувини бошқариш тўғрисидаги низом билан тартибга солинади.

§ 2. Совғалар ва иш жараёнида меҳмондўстлик белгилари


14. Ўз ММИ ДМ ходимларига ўз хизмат мажбуриятларини бажариш билан боғлиқ ҳолда жисмоний ва юридик шахслардан бирон-бир совға ёки иш жараёнида меҳмондўстликнинг белгилари, қарз, кафолатлар, кафилликлар, мукофотлар шаклида рағбатлантириш воситаларини, нақд пул маблағлари ёки уларнинг эквиваленти, қимматли қоғозлар кўринишида моддий ёрдам қабул қилиш тақиқланади.

15. Ўз ММИ ДМ ходимлари томонидан расмий делегациялар таркибида, расмий тадбирларда, жумладан, хорижда олинган ҳар қандай совғалар суммасидан қатъи назар корхонанинг мулкига ўтказилади.

16. Ўз ММИ ДМ ходимларига уларнинг шахси билан боғлиқ байрамлар (туғилган кун, боланинг туғилиши, Ватан ҳимоячилари куни, Халқаро хотин-қизлар куни)да берилган, хизмат мажбуриятларини бажариши билан боғлиқ бўлмаган совғалар ходимнинг шахси билан боғлиқ совғалар деб тан олинади.

17. Бундай совғаларни беришда қуйидаги талабларга риоя қилиш лозим:

- совғалар корхонанинг камида уч нафар ходимлари иштирокида берилиши;
- совға бериш жарёни табрик нутқи билан бирга бўлиши, унда совға беришга сабаб бўлган воқеа ўзининг аниқ ифодасини топган бўлиши;
- совғанинг умумий қиймати (барча солиқлар ва йиғимларни ҳисобга олган ҳолда) 5 (беш) базавий ҳисоблаш миқдоридан ошмаслиги;
- Корхонанинг битта ходими бошқа ходимга совға учун сарфлайдиган харажат суммаси, ҳар бир ҳолатда 1 (битта) базавий ҳисоблаш миқдордан ошмаслиги керак.

 O'ZBEKISTON MILLIY METROLOGIYA INSTITUTI UZNIM	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01 варақ 16, жами 22

18. Шубҳалар пайдо бўлмаслиги учун бошқа давлат органлари ва ташкилотлари ходимлари, шериклар ва контрагентлар, ушбу Сиёсатнинг 15 ва 16-бандларида кўрсатилмаган бошқа жисмоний ва юридик шахслардан ҳар қандай байрам (туғилган кун, фарзанд туғилиши, Ватан ҳимоячилари куни, Халқаро хотин-қизлар куни ва ҳ.к.ни инобатга олган ҳолда, бироқ бу билан чекланмасдан) билан боғлиқ ҳолда олинадиган, ушбу Сиёсатнинг 14-бандида санаб ўтилган совғалар ва бошқа моддий бойликларни олиш тақиқланади.

19. Ўз ММИ ДМ ва унинг ҳудудий филиаллари номидан халқаро конференцияларда, симпозиумларда ва бошқа ишбилармонлик (хизматга оид) йиғилишларда совғалар бериш Ўз ММИ ДМ директори ёки унинг ўринбосари, ҳудудий филиалларда эса филиал директори буйруғи билан амалга оширилади.

20. Совғани қабул қилишнинг қонунийлиги тўғрисида шубҳа туғилган ҳар қандай ҳолларда Ўз ММИ ДМ ходими, тизимидаги коррупцияга қарши курашиш комплаенс назорати бўлимига маслаҳат сўраб муурожаат қилиши лозим.

§ 3. Ходимларни танлаш, лавозимдан лавозимга ўтказиш, моддий рағбатлантириш


21. Ўз ММИ ДМ ходимларини танлаш, уларни аттестациядан ўтказиш ва фаолиятини баҳолаш, шу жумладан мукофот пулларини тўлаш, устама ҳақлар ва бошқа турдаги мукофотларни белгилаш жараёни барча ходимлар учун шаффоф, тенг ва холис бўлиб, ушбу Сиёсатнинг асосий тамойиллари ва талабларига мувофиқ келади.

22. Ўз ММИ ДМ да раҳбар ва ходимларни мукофотлашга асос бўлиб хизмат қиладиган, улар фаолиятининг асосий кўрсаткичларини баҳолаш тартиби ва мезонлари ишлаб чиқилган бўлиши лозим. Ушбу кўрсаткичлар холис, ошқора ҳамда корхона ходимлари томонидан кўриб чиқилиши мумкин.

§ 4. Хизмат кўрсатиш ҳамда корхоналарда давлат назоратини ўтказиш.

23. Фаолиятга оид хизматларни кўрсатиш ҳамда корхоналарда (кейинги ўринларда – “объектлар”) давлат назоратини ўтказишда Ўз ММИ ДМ ходимлари (ҳудудий филиаллар ходимларига ҳам тегишли):

– манфаатлар тўқнашувига йўл қўймаслиги;


	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01 варақ 17, жами 22

- объектни текшириш бир ходим томонидан амалга оширилмаслиги;
- содир этилиши мумкин бўлган ҳуқуқбузарликларни сохталаштириш учун текшириш объекти вакилларининг саводсизлигидан фойдаланиб қонун ҳужжатлари нормаларини нотўғри талқин қилмаслиги, текширилаётган объект ходимларини аниқланган фактларни ҳуқуқни муҳофаза қилувчи органларга тақдим этиш билан қўрқитмаслиги;
- текширилаётган объектнинг ходимларига таҳдид қилмаслиги;
- текшириш предметига кирмайдиган масалалар билан қизиқмасликлари ва ҳужжатларни сўрамасликлари;
- Ўз ММИ ДМ ходимлари текшириш давомида аниқланган ҳар бир ҳуқуқбузарлик ҳолатларига қонуний ва профессионал баҳо беришлари;
- агар текшириш объекти вакиллари Ўз ММИ ДМ ходимларига аниқланган қонунбузарликларни яшириш учун пора ва (ёки) бирон-бир моддий қимматлик ёки хизматларни таклиф қилса, текшириш гуруҳи раҳбарини дарҳол хабардор қилишлари;
- текшириш объекти вакилларига Ўз ММИ ДМ ходимларининг ахлоқий хулқ-атвор тамойилларига мувофиқ ҳолис муносабатда бўлишлари шарт.

5-§. Контрагентлар ва учинчи шахслар билан ўзаро муносабатлар

24. Ўз ММИ ДМ ушбу Сиёсатнинг тамойиллари ва талабларига зид бўлган ҳар қандай тўловлар ва (ёки) шу каби коррупциявий хавф-хатарларни келтириб чиқарувчи хатти-ҳаракатларни амалга ошириш учун маҳсулот етказиб берувчиларни, пудратчиларни ва бошқа учинчи томонларни жалб қилмайдилар.

25. Ўз ММИ ДМ ва тизимдаги ҳудудий филиаллар контрагентлар билан муносабатларда ўз фаолиятини амалга оширишида қонунийлик ва шаффофлик тамойилларига амал қиладилар. Ўз ММИ ДМ ва тизимдаги ҳудудий филиалларни танлашнинг ҳолис мезонларидан фойдаланишга асосланган, етказиб берувчилар ва бошқа контрагентларни танлаб олишнинг ҳаққоний, очиқ ва шаффоф жараёнини ҳамда Ўзбекистон Республикасининг амалдаги қонунчилиги ва сотиб олинadиган маҳсулотнинг/хизматнинг Ўз ММИ ДМ тизимининг ички ҳужжатлари билан тартибга солинадиган баҳосини аниқлашнинг шаффоф тартибини таъминлайдилар.

 O'ZBEKISTON MILLIY METROLOGIYA INSTITUTI UZNIM	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01 варақ 18, жами 22

26. Ўз ММИ ДМ контрагент билан ўзаро ҳамкорлигида:


- эҳтимоли юқори бўлган контрагентнинг ишончилигини, шу жумладан ўтмишда коррупциявий ҳуқуқбузарликларни содир этганлиги, давлат харидлари тўғрисидаги низомга мувофиқлиги ва Ўзбекистон Республикаси қонунчилиги нормалари доирасида Ўз ММИ ДМ тизими ходимлари билан манфаатлар тўқнашуви мавжуд эмаслигини текширадилар;
- эҳтимоли юқори бўлган контрагентни (танлов, тендер қолибини ва тўғридан-тўғри шартномалар бўйича харид контрагентини) ўзининг коррупцияга қарши тамойиллари ва талаблари ҳақида улар билан тузиладиган шартномалар матнига коррупцияга қарши махсус шартларни кўшган ҳолда хабардор қиладилар.

§ 6. Хайрия ва ҳомийлик фаолияти

27. Ўз ММИ ДМ қонунда назарда тутилган ҳолларда хайрия ва ҳомийликни қабул қилишлари мумкин. Бундай ёрдамни олган пайтда Ўз ММИ ДМ манфаатлар тўқнашувига йўл қўймаслик, маблағларни қонунда ва (ёки) шартномада белгиланган мақсадлар учун самарали сарфланишини таъминлаш, шунингдек Интернет тармоғидаги ўзининг расмий веб-сайтларида имкон қадар барча чораларни кўришлари мумкин.

§ 7. “Сирли мижоз” тадбири

28. Ўз ММИ ДМ томонидан кўрсатилаётган хизматларнинг сифати ва тезлигини, шунингдек ҳаққоний ва очиқ танлов натижаларига кўра танлаб олинган мустақил компаниялар томонидан коррупциявий ҳуқуқбузарликлар содир этилишига мойиллигини аниқлаш учун хизматларнинг ҳақиқий олувчилари сифатида алоҳида назорат тадбирлари ўтказилади. Давлат хизматларини кўрсатиш жараёнида мустақил компания бундай хизматларнинг сифати, муддатлари, шартларини, шунингдек, Ўз ММИ ДМ тизими ходимларининг белгиланган ахлоқ қоидаларига, шу жумладан ходимнинг пора олишга мойиллигини белгилаб боради.

 O'ZBEKISTON MILLIY METROLOGIYA UZNIM INSTITUTI	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01 варақ 19, жами 22

29. Ўз ММИ ДМ ўтказилган “сирли миждоз” тадбирлари тўғрисидаги ҳисоботларни кўриб чиқадилар ва коррупция хавфи аниқланган тақдирда хизмат текшируви тайинлаш ҳақидаги ташаббус билан чиқадилар.

§ 8. Ўз ММИ ДМ (шу жумладан ҳудудий филиалларнинг ҳам) фаолиятини видеотасвирга олиш ва трансляция қилиш

30. Ўз ММИ ДМ ходимларининг фаолиятини назорат қилиш учун марказий аппарат ва ҳудудий филиаллар бўлимларининг тегишли хоналарида видео ва аудио ёзув камералари жойлаштирилади, уларнинг ёзувлари Ўз ММИ ДМ нинг масъул ходимлари томонидан доимий равишда кузатиб борилади.

31. Ўз ММИ ДМ расмий веб-сайтларига коррупция хавфи юқори бўлган айрим жараёнларнинг онлайн трансляциялари жойлаштирилади (хусусан, ходимлар билан суҳбат ўтказиш ва уларни синовдан ўтказиш, комиссия йиғилишлари ва бошқалар).

§ 9. Ички хужжатларни коррупцияга қарши экспертизаси


32. Ички хужжатларни ҳуқуқий экспертизадан ўтказишда хужжатларда коррупциявий ҳуқуқбузарликлар содир этилишига имкон яратадиган коррупциявий омиллар келиб чиқишини олдини олиш, аниқлаш ва истисно қилиш мақсадида ҳам экспертиза ўтказилади.

§ 10. Жисмоний ва юридик шахсларга маслаҳат бериш

33. Ўз ММИ ДМ ходимларида коррупцияга қарши амалдаги қонун хужжатлари талаблари, ушбу Сиёсат қоидалари ёки Ўз ММИ ДМда коррупцияга қарши бошқа чора-тадбирлар ва тартиб-таомиллар билан боғлиқ бўлган ҳар қандай саволлар бўлса, Ўз ММИ ДМ тизимидаги коррупцияга қарши курашиш бўлимининг 78 150-26-03 ва 71 202-00-11(ички рақам 12-40) ишонч телефониға мурожаат қилишлари мумкин.

5-боб. Коррупциявий ҳуқуқбузарликлар тўғрисида хабар бериш

34. Ўз ММИ ДМ ходимлари ва бошқа шахслар, агар улар Ўз ММИ ДМ тизими ходимлари хатти-ҳаракатларининг қонунийлиги ва (ёки) одоб-ахлоққа мувофиқлиги тўғрисида шубҳа туғилса, коррупция ва бошқа ҳуқуқбузарлик

 O'ZBEKISTON MILLIY METROLOGIYA INSTITUTI UzNIM	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01 варақ 20, жами 22

ҳолатлари содир этилишига гумон ёки содир этилганлиги фактлари бўлса, улар бу ҳақда Ўз ММИ ДМ нинг фойдаланиш мумкин бўлган алоқа каналлари орқали хабар беришлари мумкин.

35. Ўз ММИ ДМ ўз ваколатлари ва мавжуд имкониятлари доирасида ҳуқуқбузарлик тўғрисида ишончли маълумот берган шахснинг махфийлигини таъминлайдилар (қонунчиликда назарда тутилган ҳоллар бундан мустасно).

36. Ўз ММИ ДМ ўз ходимларининг манфаатларини ҳимоя қиладилар ва қасос олишга қаратилган ҳаракатларга, шу жумладан ишдан бўшатиш, лавозимни пасайтириш, камситиш, босим ўтказиш, Ўз ММИ ДМ тизимининг бошқа ходимларининг шубҳали ҳаракатлари ёки улар томонидан ушбу Сиёсатнинг коррупцияга қарши талабларини бузиш эҳтимоли ҳақида хабар берган шахсларни таъқиб қилинишига йўл қўймаслигини кафолатлайдилар.


37. Коррупцияга оид ҳуқуқбузарликлар тўғрисидаги хабарларни қуйидаги алоқа каналлари орқали бериш мумкин:

- 78 150-26-03 ва 71 202-00-11(ички рақам 12-40) телефон рақами ва Ўз ММИ ДМ марказий аппарати ва ҳудудий филиаллар томонидан ўрнатилган бошқа телефон рақамлар;
 - Ўз ММИ ДМ нинг Телеграм каналлари; @UzNIM_bot
 - Ўз ММИ ДМ нинг расмий веб-сайтларида жойлаштирилган шакллар; <http://nim.uz/>
 - Ўз ММИ ДМ нинг электрон почта манзиллари; metrolog@nim.uz
- тўғридан-тўғри ҳуқуқни муҳофаза қилиш органларига.

38. Ўз ММИ ДМ тизимининг алоқа каналларига келиб тушган барча хабарлар Ўзбекистон Республикаси қонун ҳужжатлари ва Ўз ММИ ДМ нинг ички ҳужжатларига мувофиқ Ўз ММИ ДМ тизимининг масъул бўлинмаси ёки ходими томонидан ҳолис тарзда ва ўз вақтида кўриб чиқилади.

39. Аноним равишда (фақат Ўз ММИ ДМ нинг Телеграм каналлари орқали) юборилган хабарлар ҳам кўриб чиқиш учун қабул қилинади. Ўз номини ошкор қилинмаслигини истаган ариза берувчи бундай ҳолатда қуйидагиларни тан олади:

- Ўз ММИ ДМ хабарга жавоб бериш учун мурожаат этувчи шахс билан боғлана олмайди;

 <p>O'ZBEKISTON MILLIY METROLOGIYA UZNIM INSTITUTI</p>	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01 варақ 21, жами 22

- Ўз ММИ ДМ зарур қўшимча маълумотларни олишнинг имконияти йўқлиги сабабли хабарни тўлиқ ва ҳар томонлама текширишни амалга ошира олмайди.

40. Ўз ММИ ДМ томонидан келиб тушган хабарга жавоб бериш учун муурожаат этувчи шахс билан қуйидаги ҳолатларда боғланилмайди:

- тўлиқ ва кенг қамровли текшириш ўтказиш учун зарур бўлган қўшимча маълумотларнинг йўқлиги;
- Ўз ММИ ДМ ходимининг қасддан ёлғон маълумотни тақдим этиши ушбу Сиёсатни бузилиши ва ахлоқсиз хулқ-атворнинг намунаси сифатида қаралса, бундай шахс эса Ўзбекистон Республикаси қонун ҳужжатларига ва Ўз ММИ ДМ нинг ички ҳужжатларига мувофиқ жавобгарликка тортилиши мумкин.

41. Ўз ММИ ДМ тизимида коррупция фактлари тўғрисида виждонан хабар берган Ўз ММИ ДМ ходимлари, агар бу маълумотлар тасдиқланган бўлса, ички ҳужжатларга мувофиқ рағбатлантирилиши мумкин.

42. Барча алоқа каналларининг ишлаши ва олинган хабарларни қайта ишлаш/кўриб чиқиш тартиби тўғрисидаги батафсил маълумот агентликнинг коррупциявий тусдаги маълумот ҳақида хабар бериш учун алоқа каналлари тўғрисидаги низомда келтирилади.

6-боб. Қайта кўриб чиқиш ва ўзгартиришлар киритиш тартиби

43. Ушбу Сиёсат қуйидаги ҳолларда қайта кўриб чиқилиши ва тузатилиши керак:

- коррупцияга қарши курашиш амалдаги сиёсат ва тартиб-таомилларни қайта кўриб чиқиш заруратини келтириб чиқарадиган ҳолда коррупцияга қарши курашиш соҳасида Ўзбекистон Республикасининг қонунчилиги ўзгарганда;
- коррупцияга қарши курашиш самарасиз назорат ва тартиб-таомиллар аниқланганда ва Ўз ММИ ДМ фаолиятида коррупцияни олдини олиш ва унга қарши курашишга қаратилган чора-тадбирларни такомиллаштиришга зарурат туғилганда;

 O'ZBEKISTON MILLIY METROLOGIYA INSTITUTI UZNIM	“Ўз ММИ” ДМ коррупцияга қарши курашиш менежмент тизими хужжатлаштирилган маълумотлари	
	“Ўз ММИ” ДМ коррупцияга қарши курашиш СИЁСАТИ	Сиёсат
		Таҳрир №: 01 варақ 22, жами 22

- Ўз ММИ ДМ тизимининг ташкилий тузилмаси ва (ёки) Ўз ММИ ДМ томонидан ўз вазифаларини бажариши хусусиятлари ва бошқалар ўзгарганда.

“Ўз ММИ” ДМ
Директор вб

Л.Саидорипов